

Na·a Til·ek An·chaani Namgijao Ga·akahama Aro Jokani Cholko Am·engama?



Na·a til·ek an·chaani namgijaoni jokani cholko am·engama? Na·a saksan ong·ja. Jisu pilak dakgipa aro pilak gadango janggi tanggipa manderangmingan ripeng daka, uni giminan Jisuko papirangni ripeng minga ine na·a uiama? Sastroo an·tangtangni gitcam papan gapgipa janggi tanganiko wate re·bagipa dari dakgipa manderangni gimin sea. Jisu aro kema ka·ako man·gipa til·ek an·chae janggi tanggipa me·chikni gimin hai an·ching knana.

Saksa til·ek an·chae janggi tanggipa, Jisuni toromni dilgipani nokona re·baako knae dam rakbegipa similgipa toko nitogipa ra·chakanio gapate ra·baaha.



Uandake ua Jisuni ja·o grape mikchichi Uni ja·ako sosiate knitangchi ripakaha. Aro Uni ja·ako ku·dimchotchote ua similgipa toko nongaha.



Jensalo sokachakgipa Pharisee ia obostako nikon aro me-chikni gimin uie an-tangna aganaha, *"Ia katchinikgipa ong-ode, indide ia Uko nangdikgipa me-chik sawa aro mai dakgipa uko uigenchim, maina ua papi."*



Unon Jisu una aganchakaha, *"O Simon, Anga nang-na maiba aganani donga"*. Unon ua aganaha, *"O Skigipa aganbo."* Unon Jisu ia golpoko una aganaha, *"Saksa tangka srona on-gipa mande dongachim. Uniko sakgni manderang tangkako sroaha: saksa tangka gong ritcabonga aro sakgipin tangka gong sotbonga. Uamang sakgnian srogimin tangkarangko hotpilna man-jani gimin tangka srona on-gipa mande uamangni gorangko wataha. Unigimin uamang sakgnioni sawa una ka-sabatgen?"*



Simon aganchakaha, *“Angni uianigitade bang-bate gro watako man-gipa.”* Unon Jisu una aganaha, *“Na-a bebekon chanchiaha.”*



Unon Jisu me-chikchina an-pile Simon-na aganaha, *“Ia me-chikko nikengama? Anga nang-ni noko napon, na-a Angna ja-ani a-dimuko ja-sue rongtalatna chiko on-jaha; indiba ia me-chiksa mikchitangchi Angni ja-ako sosate knitangchi ripakaha. Na-a Angko ku-dime rimchaksojaha, indiba ia me-chik Angni napbaa intaltal Angni ja-ako ku-dima dondikkuja. Na-a Angni skoo to nongjaha, indiba ia me-chik similgipa tochi Angni ja-ako nongaha.*



*Uni gimin Anga nang-na agana, la me-chikni bang-bea papko wataha, uni gimin ua an-tangni bang-bea ka-saako mesokaha. Indiba bang-gija kema watako man-gipa mande bang-gija ka-saako mesoka."*



*Unon Ua me-chikna aganaha, "Nang-ni paprangko wataha." Unon cha-na asongdulgiparang an-tangtangni gisepo agangrikna a-bachengaha, "Papko watgipa iara sawa?"*



Aro Jisu me-chikna aganaha, “*Nang-ni bebera-a nang-ko jokataha, tom-tome re-angbo.*” (Luk 7: 37 – 50)



Beben, til-ek an-chae aro rongtalgija janggi tanggipa manderang Isolni Songnokko man-rikjawa (Gal. 5: 19 – 21). Sastroo indakeba an-chingna agana, til-ek an-chae dari dakgiparang “Gitel Jisu Kristoni bimungo aro an-chingni Isolni Gisikchi su-srangako, rongtalatako aro dosgri ine chanako man-aha” (1 Kor. 6: 9 – 11). Gitcham janggi tangani salrango dari dake janggi tanggipa Rahab-ko uni bebera-anina Sastroo de-doe agana, maina ua Isolni manderangko jokatna dakchakaha (Heb.11:31). Na-a nang-ni paprango janggi tanganiko watgale papirangko okamna re-bagipa Jisu baksa gital janggi tanganiko a-bachengna sikgenma?